

**Sharciga lamba. 17 ee 4 Maarso 1972.**

**Dhoofinta Udugyada E.N.C loo Gaar Yeelay.**

## **GUDDOOMIYAHA GOLAHA SARE KACAANKA**

Marka uu dhagaystay Golaha Wasiirada;  
Marka uu arkay oggolaashaha Golaha Sare Kacaanka;

### **WUXUU MEELMARIYAY**

Xeerka soo socda:

#### **Qod. 1**

Waxaa loo gaar yeelay Wakaaladda Ganacsiga Qaranka dhoofinta wax soo saarka soo socda: Faleenka nooc kasta, Maydiga, Cinjirka Carabta iyo Xabagta Hadiga.

#### **Qod. 2**

E.N.C. waxay ka iibsanaysaa wax soo saarka laga sheegay qod. 1 ee xeerkaan iibiyaasha maxalliga iyadoo wax soo saarka loo kala saarayo dhowr darajo.

#### **Qod. 3**

Ulajeeddadaas E.N.C. waa in ay ku qaadata wax soo saarka la soo sheegay qiimaha ku qoran Dekereetada Wasiirka Ganacsiga.

#### **Qod. 4**

E.N.C. waxaa waajib ku ah in ay raadiso Suuq Dibadeed oo laga soo iibsho wax soo saarka la soo sheegay.

#### **Qod. 5**

Qiimaha wax soo saarka, waxaa lagu soo saarayaa Dekereeto Wasiirka Ganacsiga qiimaha kolba markasta laga bixinayo, iyadoo la eegayo dalabka iyo qiimaha suuqa marka la dhagaysto E.N.C.

#### **Qod. 6**

Cid kasta oo ku xadgudubta Xeerkaan waxaa lagu ciqaabayaa xarig ah illaa hal sano, iyo ganaax aan ka yareyn qiimaha alaabta lagala wareegay iyadoo xaaladaha intaas ka culus lagu xakumayo xarigga iyo ganaaxa oo wadajira.

Sikastaba alaabta Dawladda ayaa la wareegaysa.

#### **Qod. 7**

Xeerkaanu wuxuu dhaqangalayaa maalinta 1 Disembar 1971.

Muqdisho, 4 Maarso 1972.

Guddoomiyaha  
Golaha Sare Kacaanka  
**S. Gaas Maxmed Siyaad Barre**